

大唐西域記卷第六

轉

三藏法師

玄奘奉

詔譯

大德持寺沙門

辯機

撰

四國

室羅伐悉底國

劫比羅伐率堵國

藍摩

國

拘尸那揭羅國

室羅伐悉底國周六十餘里都城荒頽墮場無紀宮城故基周二十餘里雖多荒地尚有居人殺稼豐氣序和風俗淳質篤字好福伽藍數百地壞良多僧徒寡少字正量部天祠百所外道甚多此則如來在世之時鉢蓮屏那特多王唐言勝軍舊曰波斯國都也所治國都也

故宮城內有故基勝軍王殿餘趾也次東不遠有一故基上建小率堵波昔勝軍王為如來所建大法堂也

法堂側不遠故基上有率堵波是佛誕母鉢唐言生主舊云還闍鉢底波湖波提說必羅尼精舍勝軍

王之所建立次東率堵波是蘇達多唐言善源源建也故宅也善施長者宅側有大率堵波是

鷲窠利摩羅唐言指雙舊曰捨邪之鬼鷲窠利摩羅者室羅伐悉底之山人也作害生靈

為暴城國殺人取指冠首為鬘將欲害母以充指數世尊悲愍方行導化遙見世尊竊自善曰我今生天必矣先師有教遺言在茲害

佛殺母當生梵天謂其母曰老今且止先當
 害彼大沙門尋即仗劍往逆世尊如來於是
 徐行而還山人指髮疾驅不還世尊謂曰何
 守鄙志捨善本激惡源時指髮闍誨悟所行
 非因即歸命來入法中精勤不急證羅漢果
 城南五六里有遊多林唐言勝林舊是給孤
 獨園勝軍王大臣善施為佛建精舍牙為伽
 藍今已荒廢東門左右各建石柱高七十餘
 尺石柱鏤輪相於其端石柱刻牛形於其上
 並無憂王之所建也室宇傾圮唯餘故基獨
 一甄室歸然獨存中有佛像昔者如來昇三
 十三天為母說法之後勝軍王聞出愛王刻
 檀像佛乃造此像善施長者仁而聰敏積而
 能敬極色濟貧哀孤恤老時美其德号給孤
 獨季聞佛功德深生尊敬願建精舍請佛降
 臨世尊命舍利子隨贈授焉准太子遊多園
 地夾壇尋詣太子具以情告太子戲言金遍
 乃賣善施聞之心豁如也即出藏金隨言布
 地有少未雨太子請留曰佛誠良田宜植善
 種即於空地建立精舍世尊即之告阿羅曰
 園地善施所買林樹遊多所施二人同心式
 崇功業自今已去應謂此地為遊多樹給孤
 獨園

給孤獨園東北有牽堵波是如來洗病處

處者如來之在也。有病必當舍。吾獨處世
尊見而問曰：汝何所苦？汝何獨居？曰：我性疎
懶，不耐看病。故今舉疾，無人瞻視。如來是特
愍而告曰：善男子，我今看汝，以手拊摩。病者
皆愈，扶出戶外，更易敷褥，親為盥洗，改著新
衣。佛語空留，當自勤勵，聞誨，感恩心悅，身豫
給孤獨園西北，有小窠，堵波是。沒特伽羅子
運神通力，舉舍利子衣帶不動之處。昔佛在
無熱惱池，人天咸集，唯舍利子不時從會。佛
命沒特伽羅往，召來集。沒特伽羅承命而往。
舍利子方補護法衣，沒特伽羅曰：世尊，今在
無熱惱池，令我召舍利子，曰：且止，須我補
竟。與子偕行。沒特伽羅曰：若不速行，欲運神
力，舉尔石室，大會所。舍利子乃解衣帶，置
地曰：若舉此帶，我身或動。時沒特伽羅運大
神通，舉帶不動。地為之震，因以神足還詣佛
所。見舍利子已在會坐。沒特伽羅悅而歎曰：
乃今以知神通之力，不如智慧之力矣。
舉帶窠堵波，則不遠。有开如來在世，汲充佛
用，其例有窠堵波，無憂王之所建也。中有如
來舍利經行之迹，說法之處，並樹旌表，建窠
堵波，冥祇警衛，靈瑞間起。或鼓天樂，或聞神
香，景福之祥，難以備叙。
伽藍後不遠，是外道梵志殺姪女，以誇佛處。

如來十力無畏一切種智人天宗仰聖賢遵奉時諸外道兵相議曰宜行詭詐衆中誘辱乃誘雇媼女詐為聽法衆所知已密而殺之埋屍樹側稱怨告王王命求訪於遊多園得其屍尋是時外道高聲唱言喬答摩大沙門常稱戒忍今私此女殺而滅口既媼既殺何成何忍諸天空中隨聲唱曰外道凶人無此誇耳

伽藍東百餘步有大深坑是提婆達多欲以毒藥害佛生身陷入地獄處提婆達多唐言天殺

斛飯王之子也精勤十二年已誦持八萬法藏後為利故求字神通親近惡友共相議曰

我相三十減佛未幾大衆圍遠何異如來思惟是已即事破僧舍利子波特伽羅子奉佛

指告承佛威神諸法誨喻僧徒和合提婆達多惡心不捨以惡毒藥置指爪中欲因作禮

以傷害佛方行此謀自遠而來至於此也地遂坑尋生陷地獄其南復有大坑釋六豐伽梨

八百餘步有大深坑是戰遮婆羅門女毀謗如來生身陷入地獄之處佛為人天說諸法

要有外道弟子遠見世尊大衆恭敬便自念曰要於今日辱喬答摩敗其善譽當令我師

獨擅芳聲乃懷繫木盂至給孤獨園於大衆

中揚聲唱曰此說法人與我私通腹中之子乃釋種也邪見者莫不信然真回者知為訕謗時天帝釋欲除疑故化為白鼠習習孟系系前之聲震動大眾凡諸見聞增深善悅象中一人起持木盂示彼女曰是汝兒耶是時也地自開坼全身墜陷入無聞獄其受其殃凡此三坑洞無涯底秋夏霖雨溝池泛溢而此深坑膏無水止伽藍東六七十步有一精舍高六十餘尺中有佛像東面而坐如來在昔於此與諸外道論議汝東有天祠量等精舍日且流光天祠之影不照精舍日將落照精舍之陰遂覆天祠

影覆精舍東三四里有窣堵波是尊者舍利子與外道論議處初善施長者買遊多太子園欲為如來建立精舍時尊者舍利子隨長者而瞻揆外道六師求捕神力舍利子隨事攝化應物降伏其側精舍前建窣堵波如來於此摧諸外道又受毗舍佉母請

釋六
受請窣堵波南是毗盧擇迦王 舊曰毘流兼王記也 興甲兵誅釋種至此見佛歸兵之處毗盧擇迦王嗣位之後追怨前辱興甲兵動大眾部署已畢仲命方行時有苾芻聞已白佛世尊於是坐枯樹下毗盧擇迦王遙見世尊下乘禮敬退而言曰茂樹扶疎何故不坐枯株朽葉

而乃遊止世尊告曰宗族者枝葉也枝葉將
危庇蔭何在王曰世尊為宗親耳可以迴駕
於是觀聖感懷還軍返國

還軍之側有窣堵波是釋女被戮處毗盧擇
迦王誅釋瓦勝簡五百女充實宮闈釋女憤
恚怨言不遜詈其王家人之子也王聞發怒
命令誅戮執法者奉王教刑其手足投諸坑
穽時諸釋女含苦稱佛世尊聖鑒照其苦毒
告命必當攝衣而往為諸釋女說微妙法所
謂羈纏五欲流轉三途愚愛別難生死長遠
時諸釋女聞佛指誨遠塵蕪垢得法眼淨同
時命終俱生天上時天帝釋化作婆羅門收
骸火葬後人記焉

誅釋窣堵波側不遠有大澗池是毗盧擇迦
王陷身入地獄處世尊觀釋女已還給孤獨
園告諸苾芻令毗盧擇迦王却後七日為火
所燒王聞佛記甚懷惶懼至第七日安樂無
恙王周歡慶命諸宮女往至池側娛遊樂飲
猶懼火起鼓掉清流隨波泛盪熾焰^六發焚
輕舟墜王身入無間獄備受諸苦

伽藍西北三四里至得眼林有如來經行之
迹諸聖習定之所並樹封記建窣堵波昔此
國群盜五百橫行邑里跋扈城國勝軍王捕
獲已扶去其眼棄於深林群盜苦逼求哀稱

佛是時如來在逝多精舍聞悲聲起慈心清
風和暢吹雪山藥滿其眼已尋得復明而見
世尊在其前住發善提心歡喜頂禮投杖而
去因植根焉

大城西北六十餘里有故城是賢劫中人壽
二萬歲時迦葉波佛本生城也城南有窣堵
波成正覺已初見父處城北有窣堵波有迦
葉波佛全身舍利並無憂王所建也從此東
南行五百餘里至劫比羅伐窣堵國舊曰迦
北羅術

國訛也
中印度境

劫比羅伐窣堵國周四十餘里空城十數荒
蕪已甚王城頽圯周量不詳其內宮城周十

四五里壘軌而成基址踐回空荒久遠人里
稀曠無大君長城各立土地良沃稼穡時
播氣序無愆風俗和暢伽藍故具千有餘所
而宮城之側有一伽藍僧徒三十餘人習學
小乘正量部教天祠兩所異道雜居

宮城內有故基淨飯王正殿也上建精舍中

作王像其側不遠有故基摩訶摩耶唐言夫
大術夫

人寢殿也上建精舍中作夫人之像其側精
舍是釋迦菩薩降神母胎處中作菩薩降神

之像上座部菩薩以嘔咀羅頰沙茶月三十
日夜降神母胎當此五月十五日諸部則以
此月二十三日夜降神母胎當此五月八日

菩薩降神東北有寧堵波河私多仙相太子
處菩薩誕靈之日嘉祥輻湊時淨飯王召諸
相師而告之曰此子生也善惡何若宜悉乃
心明言以對曰依先聖之記考吉祥之應在
家作轉輪聖王捨家當成等正覺是時阿私
多仙自遠而至叩門請見王甚慶悅躬迎禮
敬請就寶座曰不意大仙今日降顧仙曰我
在天宮安居宴坐忽見諸天群從踰舞我時
問言何悅豫之甚也曰大仙當知瞻部洲中
釋種淨飯王第一夫人今產太子當證三尊
提闡明一切智我聞是語故來瞻仰所悲朽
毫不遭聖化

城南門有寧堵波是太子與諸釋捕力擲象
之處太子伎藝多能獨拔倫匹淨飯大王懷
憂將返僕夫馭象方欲出城提婆達多素負
強力自外而入問馭者曰嚴駕此象其誰欲
乘曰太子將還故往奉馭提婆達多發憤引
象批其額蹤其臆僵仆塞路杜絕行途無能
轉移人象填塞難陀後至而門之曰誰死此
象曰提婆達多即曳之僻路太子至又門曰
誰為不善害此象耶曰提婆達多害以杜門
難陀引之閑徑太子乃舉象高擲越度城墮
其象墮地為大深坑士俗相傳為象墮坑也
其側精舍中作太子像其側又有精舍太子

妃寢宮也中作那輸陀羅并有羅怛羅像宮側精舍作受業之像太子學堂故基也

城東南隅有一精舍中作太子乘白馬陵虛之像是踰城處也城四門外各有精舍中作老病死入沙門之像是太子遊觀觀相增懷深歎塵俗於此感悟命僕迴駕

城南行五十餘里至故城有窣堵波是賢劫中人壽六萬歲時迦羅迦村馱佛本生城也城南不遠有窣堵波成正覺已見父之處城東南窣堵波有彼如來遺身舍利前建石柱高三十餘尺上刻師子之像傍記寂滅之事無憂王建尊迦羅迦村馱佛城東北行三十餘里至故大城中有窣堵波是賢劫中人壽四萬歲時迦諾迦牟尼佛本生城也東北不遠有窣堵波成正覺已度父之處次北有窣堵波有彼如來遺身舍利前建石柱高二十餘尺上刻師子之像傍記寂滅之事無憂王之所建也

城東北四十餘里有窣堵波是太子坐樹陰觀耕田於此習定而得離欲淨飯王見太子坐樹陰入寂定日光迴照樹影不移心知靈聖更深珍敬

大城西北有數百千窣堵波釋種誅死處也毗盧擇迦王旣克諸釋虜其族類得九千九

百九十萬人並從殺戮積尸如莽流血成池
天警人心收斂瘞瘳

誅釋西南有四小率堵波四釋種拒軍處初
勝軍王嗣位也求婚釋種釋種鄙其非類謬
以家人之子重禮娉焉勝軍王立為正后其
產子男是為毗盧擇迦王毗盧擇迦欲就舅
氏請益受業至此城南見新講堂即中態駕
諸釋聞之逐四罵曰卑賤婢子敢居此室此
室諸釋建也擬佛居焉毗盧擇迦嗣位之後
追復先辱便興甲兵至此叱軍釋種四人躬
耕畝畝便即抗拒兵寇退散已而入城族人
以為耒耨王之祚胤為法王之宗子敢行凶
暴安忍殺害汗辱宗門絕親遠故四人被逐
北趣雪山一為烏仗那國王一為梵衍那國
王一為四摩阻羅國王一為南彌國王奕世
傳業百襲不絕城南三四里尼拘律樹林有
率堵波無憂王建也釋迦如來成正覺已還
國見父王為說法處淨飯王知如來降魔軍
已遊行化導情懷渴仰思得禮敬乃命使請
如來曰昔期成佛當還本生斯言在耳時來
降趾使至佛所具宣王意如來告曰却後七
日當還本生使臣還已白王淨飯王乃告命
臣庶灑掃衢路儲積香與諸群臣四十里
外行寫奉迎是時如來與大眾俱八金剛周

漸四天王前導帝釋與欲界天侍左梵王與色界天侍右諸忉利僧列在其後唯佛在衆如月映星威神動三界光明踰七曜步虛空至生國王與從臣禮敬已畢俱共還國止尼拘虛陀僧伽藍其側不遠有窣堵波是如來於大樹下東面而坐受姨母金縷袈裟次此窣堵波是如來於此度八王子及五百釋種城東門內路左有窣堵波昔一口義成太子於此習諸伎藝門外有自在天祠祠中有石天像危然起勢是太子在襁褓中所入祠也淨飯王自臘伐尼園迎太子還也途次天祠王曰此天祠多靈鑿諸釋童稚求祐必効宜游太子至彼修敬是時傳母抱而入祠其石天像起迎太子太子已出天像復坐

城南門外路左有窣堵波是太子與諸釋擁藝射鐵鼓從此東南三十餘里有小窣堵波其側有泉泉流澄鏡是太子與諸釋引強校能弦矢既分穿鼓過表至地沒羽因涌清流十一時俗相傳謂之箭泉夫有疾病飲沐多愈遠方之人持壘以歸隨其所苦漬以塗額靈神冥衛多蒙痊愈箭泉東北行八九十里至臘代尼林有釋種浴池澄清皎鏡雜華彌漫其北二十四五步有無憂華樹今已枯悴吾薩誕靈之處吾薩以吹合佉月後半八日當此

三月八日上座部則曰以吠舍佉月後半十五
日當此三月十五日次東率堵波無憂王
所建二龍浴太子處也菩薩生已不扶而行
於四方各七步而自言曰天上天下唯我獨
尊今茲而往生分已盡隨足所踏出大蓮華
二龍踊出住虛空中而各吐水一冷一煖以
浴太子

浴太子率堵波東有二清泉傍建二率堵波
是二龍從地踊出之處菩薩生已支屬宗親
莫不奔馳求水盥浴夫人之前二泉涌出一
冷一煖遂以浴洗其面率堵波是天帝釋捧
接菩薩處菩薩初出胎也天帝釋以妙天衣
跪接菩薩次有四率堵波是四天王抱持菩
薩處也菩薩從右脇生已四天王以金色氎
衣捧菩薩置金机上至母前曰夫人誕斯福
子誠可歡慶諸天尚喜況世人乎

四天王捧太子率堵波側不遠有大石柱上
作馬像魚憂王之所建也後為惡龍霹靂其
柱中折什地傍有小河東南流土俗十二號曰油
河是摩耶夫人產孕已天化此池老潤澄淨
欲令夫人取以沐浴除去風塵今變為水其
流尚膩從此東行曠野荒林中二百餘里至

藍摩國中印
度境

藍摩國空荒歲久墮場無紀城邑丘墟居人

稀曠故城東南有甌窳塔波高減百尺昔者
如來入寂滅已此國先王分得舍利持歸本
國式遵崇建靈異間起神光時燭

窳塔波側有一清池龍每出遊變形此服右
旋宛轉繞窳塔波野象群行採華以散真力
警察初無間替昔無憂王之分建窳塔波也
亡國所建成已開發至於此國方欲興工而
此池龍恐見陵奪乃變作婆羅門前叩象曰
大王情流佛法廣樹福田敢請紆駕降臨我
室王曰尔家安在為迤遠乎婆羅門曰我此
池之龍王也承大王欲建勝福敢來請謁王
受其請遂入龍宮坐久之問龍進曰我惟惡
業受此龍身供養舍利冀消罪咎願王躬往
觀而禮敬無憂王見已霍然謂曰凡諸供養
之具非人間所有也龍曰若然者願無廢毀
無憂王自度力非其儔遂不開發出池之所
今有封記

窳塔波側不遠有一伽藍僧象剎矣清肅依
然而以沙弥摠任象務遠方僧至禮遇彌隆
必留三日供養四事聞諸先志曰昔有苾芻
同志相召自遠而至禮窳塔波見詣群象相
趨往來或以牙曳草或以鼻灑水各持異華
共為供養時象見已悲歡感懷有一苾芻便
捨具戒願留供養與象辭曰我惟多福溢迹

僧中歲月亟淹行業無紀此宰堵波有佛舍利聖德冥通群象踐灑遺身此地可與同群得畢餘齡誠為幸矣衆告之曰斯盛事也吾等垢重智不謀此隨時自愛無虧勝業亦既離群重伸誠願歡然獨居有終焉之志於是葺茅為宇引流成池採掇時華灑掃瑩飾綿歷歲序心事無怠隣國詣王聞而雅尚覽捨財寶興建伽藍因而勸請屈知僧務自介相踵不泯元功而以沙弥惣知僧事沙弥伽藍東大林中行百餘里至大宰堵波無憂王之所建也是太子踰城至此解寶衣去纓絡命僕還處太子夜半踰城達明至此既允宿心乃形言曰是我出籠樊去羈鎖最後釋駕之處也於天冠中解末尼寶命僕夫曰汝持此寶還白父王今茲遠遁非苟違離欲虧無常絕諸有漏闡釋迦舊曰車曰詎有何心空駕而返太子善言慰喻感悟而還

迴駕宰堵波東有瞻部樹枝葉雖凋枯株尚在特二其傍復有小宰堵波太子以餘寶衣易鹿皮衣處太子既斷髮易裳雖去纓絡尚有天衣曰斯服太侈如何改易時淨居天化作獵人服鹿皮衣持弓負羽太子舉其衣而謂曰欲相貿易願見允從獵人曰善太子解其上服授與獵人獵人得已還獲天身持所得衣

陵虛而去

太子易衣側不遠有率堵波無憂王之所建
 也是太子剃髮處太子從闍釋迦取刀自剃
 其髮天帝釋接上天宮以為供養時淨居天
 子化作剃髮人執持鋸刀徐步而至太子謂
 曰能剃髮乎幸為我淨之化人受命遂為剃
 髮踰城出家時亦不定或云喜陸年十九或
 曰二十九以吠舍佉月後半八日踰城出家
 當此三月八日或云以吠舍佉月後半十五
 日當此三月十五日太子剃髮率堵波東南
 曠野中行百八十九里至尼拘盧陀林有率
 堵波高三十餘尺昔如來寂滅舍利已分諸
 婆羅門無所得獲於涅槃般那唐言焚燒焉
云闍維訖也
 地收餘灰炭持至本國建此靈基而修供養
 自茲已降奇迹相仍疾病之人祈請多愈
 灰炭率堵波側故伽藍中有過去四佛坐及
 經行遺迹之所

故伽藍左右數百率堵波其一大者無憂王
 所建也精六崇基雖陷高餘百尺自此東北十五大林
 中行其路艱險經途危阻山牛野象群盜獵
 師伺求行旅為害不絕出此林已至拘尸那

揭羅國中印
度境

拘尸那揭羅國城郭頽毀邑里蕭條故城軌
 基周十餘里居人稀曠閭巷荒蕪城內東北

隅有窳堵波無憂王所建准陀舊曰陀之故

宅也宅中有并梢營獻供方乃鑿享歲月雖

淹水猶清美城西北三四里渡阿恃多伐底

河唐言無勝此世共稱耳舊云阿利羅語混

河訛也舊言謂之尸頓擊伐底河譯曰有

河西岸不遠至婆羅林其樹類擱而皮青白

葉甚光潤四樹特高如來寂滅之所也其大

輒精舍中作如來涅槃之像北首而卧傍有

窳堵波無憂王所建基雖傾陷尚高二百餘

尺前建石柱以記如來寂滅之事雖有文記

不書日月詢諸先記曰佛以生年八十次舍

佉月後半十五日入般涅槃當此三月十五

日也說一切有部則佛以迦刺底迦月後十

八日入般涅槃當此九月八日也自佛涅槃

諸部異議或云十二百餘年或云十三百餘

年或云十五百餘年或云已過九百未滿千

年精舍側不遠有窳堵波是如來修菩薩行

時為群雉王救火之處昔於此地有大茂林

毛群羽族巢居穴處驚風四起猛焰騰逸時

有一雉有懷傷慙鼓濯清流飛空奮灑時天

帝釋俯而告曰汝何守愚唐勞羽翮大火方

起焚燎林野豈汝微軀所能撲滅雉曰說者

為誰曰我天帝釋耳雉曰今天帝釋有大福

力無欲不遂救災拯難若指諸掌及詰無功

其咎安在猛火方熾無得多言尋獲奮飛狂

趣流水天帝遂以掬水泛灑其林火滅煙消
生類全命故今謂之救火率堵波也

雉救火側不遠有率堵波是如來修菩薩行

時為鹿救生之處乃往古昔此有大林火炎

中野飛走窮窘前有駛流之阨後困猛火之

難莫不沉溺喪棄身命其鹿側隱身據橫流

穿皮剖骨自強極滿蹇免後至忍疲苦而濟

之筋力既竭溺水而死諸天收骸起率堵波

鹿極溺西不遠有率堵波是蘇跋陀羅

舊曰須跋陀羅說也入寂滅之處善賢者本梵志師也

年百二十耆舊多智聞佛寂滅至雙樹間問

阿難曰佛世尊將寂滅我懷疑滯願欲請問

阿難曰佛將涅槃幸無憂也曰吾聞佛世難

過正法難聞我有深疑恐無所請善賢遂入

先問佛言有諸別象自稱為師各有異法壹

訓導俗喬吞摩舊曰豐壹說略也能盡知耶佛言吾

悉深究乃為演說善賢聞已心淨信解未入

法中受具足戒如來告曰汝豈能耶外道異

乎修梵行者當試四歲觀其行察其性性威儀

寂靜辭語誠實則可於我法中淨修梵行在

人行耳斯何難哉善賢曰世尊悲愍舍濟無

私四歲試字三業方順佛言我先已說在人

行耳於是善賢出家即受具戒勤勵修習身

心勇猛已而於法無疑自身作證夜分未久

果證羅漢識漏已盡梵行已立不忍見佛入
 大涅槃即於象中入火界定現神通事而先
 寂滅是為如來最後弟子乃先滅度即哥後
 度寔是也善賢寂滅側有窣堵波是執金
 剛躡地之處大悲世尊隨機利見化功已畢
 入寂滅樂於雙樹間北首而卧執金剛神密
 迹力士見佛滅度悲慟唱言如來捨我入大
 涅槃無歸依無覆護毒箭深入愁火熾盛捨
 金剛杵悶絕躡地久而又起悲哀戀慕互相
 謂曰生死大海誰作舟楫無明長夜誰為燈
 炬金剛躡地側有窣堵波是如來寂滅已七
 日供養之處如來之將寂滅也光明普照人
 天畢會莫不悲感更相謂曰大覺世尊今將
 寂滅衆生福盡世間無依如來石脇卧師子
 牀告諸大衆勿謂如來畢竟寂滅法身常住
 難諸變易當棄懈怠早求解脫諸苾芻等歡
 歎悲慟時阿泥律虛骨陀律說也告諸苾芻
 勿止止勿悲諸天譏恠時末羅衆供養已訖
 欲舉金指詣涅槃般耶所時阿泥律律說也告言
 且止諸天欲留七日供養於是天衆持妙天
 華遊虛空讚聖德各揚誠心共興供養停棺
 側有窣堵波是摩訶摩耶夫人哭佛之處如
 來寂滅棺殮已畢時阿泥律陀上昇天宮告
 摩耶夫人曰大聖法王今已寂滅摩耶聞已

悲哽悶絕與諸天衆至雙樹間見僧伽脫鉢
及錫杖拊之号慟絕而後聲曰人天福盡世
間眼滅今此諸物空無有主如來聖力金棺
自開放光明合掌坐慰問慈母遠來下降詣
行法介願勿深悲阿難銜哀而請佛曰後世
問我將何以對曰佛已涅槃慈母摩耶自天
宮降至雙樹間如來為諸不孝衆生從金棺
起合掌說法城北渡河三百餘步有窣堵波
是如來焚身之處地今黃黑土雜灰炭至誠
求請或得舍利如來寂滅人天悲感七寶為
棺千斃纏身設香華建幡蓋末羅之衆奉與
發引前後導從北渡金河盛滿香油積多香
木縱火以焚二斃不燒一控襯身一最覆外
為諸衆生分散舍利唯有髮爪儼然無損焚
身側有窣堵波如來為大迦葉波現雙足處
如來金棺已下香木已積火燒不燃衆咸驚
駭阿泥律陀言待迦葉波耳時大迦葉波與
五百弟子自出林來至拘尸波問阿難曰世
尊之身可得見耶阿難曰千斃纏絡重棺周
斃香木已積即事焚燒是時佛於棺內為出
雙足輪相之上見有異色問阿難曰何以有
此曰佛初涅槃人天悲慟衆淚逆滌致斯異
色迦葉波作禮旋繞興讚香木自然大火熾
盛故如來寂滅三從棺出初出臂問阿難治

路次起坐為母說法後見雙足示大迦葉波
現足側有窣堵波無憂王所建也是八王分
舍利處前建石柱刻記其事佛入涅槃後涅
疊般那已諸八國王備四兵至遣直性婆羅
門詔拘尸力士曰天人導師此國寂滅故自
遠來請分舍利力士曰如來降尊即斯下土
滅世間明導喪衆生慈父如來舍利自當供
養徒疲道路終無得獲時諸大王避辭以求
既不相允重謂之曰禮請不從兵威非遠直
性婆羅門揚言曰念我大悲世尊忍修福善
弥歷曠劫想所具聞今欲相陵此非宜也今
舍利在此當均八分各得供養何至興兵諸
力士依其言即時均量欲作八分帝釋謂諸
王曰天當有分勿恃力競阿那婆答多龍王
文隣龍王醫那鉢咀囉龍王復作是議無遺
我曹若以力者衆非敵矣直性婆羅門曰勿
誼諍也宜共分之即作三分一諸天二龍衆
三留人間八國重分天龍人王莫不悲感分
舍得六窣堵波西南行二百餘里至大邑聚有
婆羅門豪石巨富確乎不雜字究五明敬崇
三寶接其居側建立僧坊窮諸資用備盡珍
飾或有衆僧往來中路慙慙請留罄心供養
或止一宿乃至七日其後設賞迎王毀壞佛
法衆僧絕侶歲月驟淹而婆羅門每懷懇側

經行之次見一沙門鹿眉皓髮杖錫而來婆
 羅門馳往迎逆問所從至請入僧坊備諸供
 養且以薄乳煮粥進焉沙門受已繞一齊齒
 便即置鉢沈吟長息婆羅門侍食跪而問曰
 大德惠利隨緣幸見臨顧為夕不安耶為粥
 不味乎沙門慙然告曰吾悲衆生福祐漸薄
 斯言且置食已方說沙門食訖攝衣即語婆
 羅門曰向許有說今何無言沙門告曰吾非
 忘也談不容易事或致疑必欲得聞今當略
 說吾向所歎非薄海粥自數百年不嘗此味
 昔如來在世我時預從在王舍城竹林精舍
 俯清流而滌器或以漂澆或以鹽沐嗟乎今
 之純乳不及石之淡水此乃人天福滅使之
 然也婆羅門曰然則大德乃親見佛耶沙門
 曰然汝豈不聞佛子羅怛羅者我身是也為
 護正法未入寂滅說是語已忽然不見婆羅
 門遂以所宿之房塗香灑掃像設肅然其教
 如在優大林中行五百餘里至婆羅痾

善曰波羅奈國
 則國記也中印度境

大唐西域記卷第六

焉上鳥即反歸然上丘水反瞻揆上之廉
 與下其主反洗上音其俛音坼且馬反訕譎反上前諫
 山反齧舌結反也朽藥列反枯一也魚庇廢二反

轉

